


欽定八旗通志

人物志

卷一百
六十



欽定八旗通志卷二百六十四

人物志四十四

大臣傳二十六

滿洲正白旗五

珠滿

瑪哈達

法喇 佛倫

荆山

開音布

常飛

徐元夢

珠滿其無十三

珠滿滿洲正白旗人姓瓜勒佳先世居烏拉祖多

和倫

國初來歸從征廣寧錦州有功授雲騎尉次子額赫

金定八旗通志 卷一百一十一 人物志四十一
瑪瑚以三等侍衛隨安南將軍宗室洛託征海賊
鄭成功進攻廈門力戰陣亡

聖祖仁皇帝康熙二年正月卹贈雲騎尉無子珠滿其兄
子也襲其職十三年署叅領隨大軍征江西時逆
藩耿精忠叛應吳三桂遣賊黨犯南康珠滿隨鎮
南將軍尼雅翰等擊敗之又敗偽總兵莊姓朱姓
等於沔津十五年隨大軍規復吉安破賊衆於惶
恐灘十六年三月隨鎮南將軍莽依圖征廣東入

金定八旗通志 卷一百一十一 人物志四十一
韶州吳逆遣偽將軍馬寶等渡河來犯大軍分隊
拒之珠滿由右翼奮戰連破賊營馬寶等突圍宵
遁十八年六月隨莽依圖進勦廣西由橫州至南
寧擊賊將吳世琮於新村西山大破之遂解南寧
之圍十九年六月隨莽依圖討叛賊馬承蔭於柳
州路經陶登敗其黨范齊韓詹仰等援兵是冬隨
征南大將軍賚塔征雲南二十年正月擊賊將何
繼祖王宏勳等於石門坎奪其隘口賊退據黃草

壩二月克之遂進圍雲南城陣斬偽將軍胡國柄
等七月復隨都統希佛等追擊賊將馬寶巴養元
於烏木山賊潰遁乞降是年雲南平凱旋二十五年
七月敕功晉騎都尉兼一雲騎尉二十七年六月
授三等侍衛二十九年三月授護軍叅領三十
年正月兼管火器營事六月調前鋒叅領三十六
年六月擢荊州副都統三十九年十二月奉
命同副都統阿際禮率荊州兵二千會剿四川逆蠻北

都統滿丕提督唐希順等已復打箭爐遂駐師雅
隴江防守四十二年六月撤兵還荊州九月鎮守
紅苗作亂

上命尚書錫勒達副都統圖斯海徐九如統師撫勦

諭以珠滿久於用兵凡事與商酌而行十二月撫降五百

一寨惟天星等寨仍負固錫勒達與提督俞益謨

等分四路進勦珠滿領兵協應攻克葫蘆寨斬戮

無算餘寨悉平敘功加一級四十五年二月擢江

寧將軍四十六年三月一號四十五年三月四號

上南巡至江寧

賜紫貂冠服及良馬是年卒於官

賜祭葬如例明年吏部請以其子徹木貝襲騎都尉兼一

雲騎尉得

旨珠滿人才壯健行間勞績茂著眾所共知簡用將軍正

切委任未久奄逝深可憫惜所有世職著再加一雲騎

尉授為二等輕車都尉與伊子徹木貝承襲

瑪哈達

瑪哈達滿洲正白旗人姓佟佳禮部承政巴都哩

之孫也康熙七年由叅領擢正白旗滿洲副都統

十二年冬吳三桂反山口林賊聚至廣西三澤

土以苑州地當衝要

命瑪哈達率兵駐防以備調遣十三年正月

詔率所部兵及右翼察哈爾兵移駐安慶三月耿精忠叛

詔瑪哈達移師杭州四月

命參贊平南將軍賚塔軍務七月精忠偽都督閔標等率
賊萬餘自温州處州犯金華瑪哈達率兵馳援同
副都統雅塔哩等擊卻之遂奉五日

命駐守金華九月偽都督陳重等犯金華瑪哈達同副都
統石調聲等禦擊於山口村追遂至鄭店三戰皆
捷斬賊四千餘俘獲甚衆十月偽都督葉鍾陳遙
偽總兵周彪尹福等分犯浦江蘭谿義烏等縣瑪
哈達俱遣兵擊敗之十一月偽都督徐尚朝率賊

五萬犯金華距城十二里結寨瑪哈達與台吉察
軍都統巴雅爾總兵李榮等分隊夾擊陣斬偽遊
擊吳榮先等及賊兵萬餘時偽總兵張元兆率賊
二萬據壽溪瑪哈達與巴雅爾李榮移兵進勦破
賊營十有八斬元兆及賊兵三千餘十二月徐尚
朝偕偽總兵馮公輔據積道山瑪哈達與總兵陳
世凱等乘霧進勦破其木柵賊皆潰竄招撫偽官
百餘暨脅從之衆數千十四年正月督兵擊敗偽

總兵沙有祥等於桃花嶺復處州府城三月偽總兵連登雲偕徐尚朝沙有祥自溫州窺處州距城五里列寨瑪哈達與察琿李榮陳世凱分兵往勦賊敗潰復奮兵追擊斬偽參將陳亮郭美才等獲旗幟軍械無算十五年八月擢杭州將軍是月康親王傑書統師進勦福建瑪哈達與將軍賚塔由衢州率兵先驅敗偽將軍馬九玉等於大溪灘復江山縣遂趨仙霞關偽守將金應虎率衆降大軍

進復建寧延平耿精忠歸順瑪哈達還駐杭州敘

功予三等輕車都尉世職二十三年

召還京授正白旗滿洲都統二十六年以咨補旗員徇情

滋弊罷任革世職遣往黑龍江効力贖罪二十八

年九月卒

哲勒肯滿洲正白旗人姓鄂濟初任內閣中書累

遷至侍讀學士

聖祖仁皇帝康熙八年擢國史院學士九年改中和殿學士十年京口將軍李顯貴與鎮江知府劉元輔以扣尅軍餉爲旗兵揭告哲勒肯奉

命同侍郎覺羅勒德洪往江南察審尋奏言李顯貴等侵盜帑銀贓至六萬總督麻勒吉失察於前復不能劾奏於後請解任質審得

旨允行於是顯貴元輔並坐斬麻勒吉訊非有心徇庇坐鐫級留任是年重修

太祖

太宗聖訓哲勒肯充副總裁官又充

經筵講官遷刑部侍郎十二年三月調禮部八月逆

藩吳三桂奏請移藩錦州

上命哲勒肯同學士傳達哩赴雲南經理其事

賜佩刀一良馬二哲勒肯至雲南三桂期以十一月啟行

而陰與藩下都統吳應麒等謀亂遂發兵反哲勒

肯與傅達哩皆被留十三年三桂復遣其護衛以

自述功績疏付哲勒肯等齎奏還京明年哲勒肯
調任吏部十六年河道總督王光裕以河工廢弛
為侍郎冀如錫所劾哲勒肯與副都御史金僑奉
命往訊得實光裕罷任先是麻勒吉與漕運總督素幹顏
保先後陳奏海州雲臺山屏障海口為淮黃尾閘
自廢為外洋壅沙日積致運道無所宣洩請復改
為內地至是

勅哲勒肯便道勘閱因奏言雲臺東距大洋西北毗連山

東江南內地雖去運道較遠第向設徐濱鹽場及
村莊一十八所田畝膏腴棄之可惜請招徠竈戶
人民使復舊業其東海營原設守備等官亦應復
設下部議如所請十九年遷左都御史

命赴武昌察審雲貴逃兵奏言湖廣標兵隨征岳州辰州
用命殺賊迨進征雲南改隸滇標提督桑額不恤
士卒致逃兵一千餘人復隱匿不報請

勅部嚴議

上曰領兵官平時不能愛養軍士使軍士無以資生始有
鼓譟逃散之事桑額其卽議罪并傳諭各省統領將帥
無得恣虐兵卒貽誤軍機尋議桑額降級留任二十年
遷兵部尚書明年七月

上以兵部議行間情罪多姑息輕縱由哲勒肯瞻徇

訓責之時三逆平定兵部議裁各省增設官兵靖逆將軍

張勇奏甘肅寧夏西寧三鎮請以增設兵五千改

爲經制

詔哲勒肯赴陝西會同將軍督撫核議尋議西寧總兵所

屬河州及寧夏中衛官兵雖自用兵時增設但地

係邊疆請仍留駐守餘悉裁汰九月以病卒於西

寧

賜祭葬如例四十六年十月

上與大學士馬齊衡論在廷諸學士爲不及昔年因

追憶哲勒肯爲學士時批本最速且以其草書敏捷咸稱

飛手爲

褒美云

烏達禪

烏達禪滿洲正白旗人姓那木都魯父喀爾圖

世祖章皇帝時任工部副理事官以監修

奉先殿工成予雲騎尉世職

聖祖仁皇帝御極薦擢詹事副都御史倉場侍郎左都御

史刑部尚書康熙二十三年致仕二十五年四月

卒

賜祭葬如例以孫瑚里襲職烏達禪初任驍騎校康熙十

年授三等侍衛薦擢一等兼佐領二十七年喀爾

喀土謝圖汗及哲卜尊丹巴胡土克圖率眾來降

上既賜以牲畜糗糧明年春土謝圖汗等以食不繼為請

命烏達禪同學士錫喇等馳發張家口倉米駝載兩月糧

往徧給之二十九年六月喀爾喀部人殺牧長掠

馬逃牧廠大臣瑪希追捕弗獲烏達禪奉

命飭土謝圖汗執獻逃犯十餘人斬其首惡以馬還三十

論土謝圖汗哲卜尊丹巴胡土克圖詰其同部自戕及諸

上幸邊外安輯喀爾喀歸附人衆先期

命烏達禪同內大臣索額圖傳

諭土謝圖汗哲卜尊丹巴胡土克圖詰其同部自戕及諸

妄為事咸具疏自請罪

上駐蹕多倫諾爾

召集喀爾喀兩翼諸部長

諭宥其罪尋擢烏達禪正白旗滿洲副都統三十五年

三月

上親征噶爾丹

命烏達禪率兵隨

御營出中路既至克魯倫河噶爾丹竄遁西路為大將軍

費揚古擊敗五月扈

駕班師時噶爾丹屬人丹巴哈什哈等先後來降以時值

炎暑暫居張家口外八月

上命烏達禪乘驛往遷之來京編隸八旗佐領九月

上復巡邊經畫軍務烏達禪扈
駕駐歸化城

額賚出征凱旋右衛兵

命同索額圖宣

諭獎慰三十六年噶爾丹屬人額林沁哈什哈等來降

上命烏達禪同學士喇錫詳詢之得噶爾丹與其台吉丹

濟拉猜忌離散狀以

聞三十七年三月

命同尚書馬齊侍郎滿丕往視喀爾喀諸部會盟宣

諭禁令七月

上詣盛京

詔馬齊等卽由會盟處還京

特召烏達禪馳赴

行在三十八年正月奉

命招降巴爾瑚三千餘人安駐察哈爾游牧地編隸佐領

九月巴爾瑚佐領額克圖等自察哈爾殺牧廠副

使阿必達及驍騎校班第等掠馬駝携其孥以遁
烏達禪率兵馳追時喀爾喀公錫卜推哈坦等已
奉

詔領蒙古兵圍之烏達禪至斬一百三十八人收其孥四

百餘還三十九年授前鋒統領四十年陝西歲歉

詔烏達禪往賑之尋列議政大臣明年遷鑲黃旗蒙古都

統四十四年十月調正藍旗滿洲都統尋以有疾

遣太醫診視四十八年乞休

詔以原品致仕五十一年十月卒年六十有六

賜銀千兩

命貝勒允禩公富善等奠茶酒

諭曰烏達禪隨朕收復喀爾喀額魯特巴爾瑚等俱在事

効力有功及簡任都統以來忠誠任事勤勉盡職偶以

患病乞休朕不時存問方期頤養以享遐齡忽聞溘逝

深為軫惻下所司議卹

賜祭葬如典禮諡襄敏

徐元夢

徐元夢滿洲正白旗人姓舒穆祿康熙十二年進

士由庶吉士散館改戶部主事二十二年遷中允

充

日講起居注官尋遷侍講二十六年四月同尚書陳

廷敬湯斌侍郎徐乾學少詹事耿介侍讀學士高

士奇德格勒等

召試乾清宮

聖祖仁皇帝諭曰人之學問有一定分量真偽易明如德

格勒每評論時人學問朕心不以爲然故召爾等面試

也是年十二月翰林院掌院學士庫喀訥奏劾德格勒

私抹記注事並言徐元夢素與德格勒互相標榜

因革職逮訊得

旨寬釋籍入內務府三十三年

命入尚書房課

皇子讀書尋授內務府會計司員外郎四十一年充順

皇二十天鄉試副主考官五十年三月
 諭大學士等曰內閣繙譯通本事甚緊要如一語不符
 漢文則於事之輕重大有關係內閣侍讀學士及侍讀
 俱按俸補授之人恐所繙本章不甚妥當在內廷行走
 之徐元夢現今學繙譯者無能過之可授為額外侍讀
 學士五十一年同左都御史趙申喬為會試考官五十
 二年擢內閣學士兼禮部侍郎免隸內務府歸原
 旗五十二年十月充

經筵講官十二月授浙江巡撫

諭之曰浙江有滿洲兵爾當與將軍協同訓練錢糧或有
 虧空爾宜清理無累百姓至於用人宜隨材器使不可
 求全

賜

御製詩文集及鞍馬以行明年三月疏言上年杭州紹興

台州金華衢州嚴州處州七府旱澇成災田畝邀

恩分別蠲賑並截留漕米二十萬石以九萬石發各縣平

卷一百一十一
人志四十一
主
衣限糶貧民得資餬口而應完額賦尚有十三萬餘兩
目下青黃不接輸納維艱請俟秋成後先徵一半
來歲徵完以紓民力得旨允行十月疏言杭州萬松嶺自明代建立書院
旨允行十月疏言杭州萬松嶺自明代建立書院

本朝康熙十年巡撫范承謨興修後年久荒廢臣鳩
工整理漸有規模因擇觀風考取諸生及學臣歲
科兩試前列者肄業其中捐資給以膏火無不踴
躍樂從第書院未有嘉名請

御書匾額俾諸生出入瞻仰動其欽崇鼓舞之志並

賜日講解義古文淵鑿諸書

御書諸法帖以廣文教

上悉允所請

賜浙水敷文匾額因復奏以敷文二字爲書院名五十六

年正月左都御史及翰林院掌院學士缺員吏部

兩疏入奏

上曰是當以不畏人學問優者兼任之遂

特命徐元夢爲左都御史兼掌院學士充

日講起居注官

經筵講官並教習庶吉士五月

諭以科場中鑽營積習未除主考同考官有聲名不好者

宜糾劾之俾知警戒於是劾罷編修儲在文張起麟徐

用錫沈宗敬官鴻厯叢澍等又劾罷聲名平常之

任滿學政王雲錦林之濬車鼎晉萬經鄭晃魚鸞

翔等五十七年五月遷工部尚書仍兼翰林院掌

院學士教習庶吉士六十年十月

上曰徐元夢乃同學舊翰林康熙十六年以前進士止此

一人矣因

賜以詩有常懷舊學窮經史更想餘閒力簡編之句

世宗憲皇帝雍正元年正月

命入尚書房課

皇子讀書二月同大學士張鵬翮尚書田從典左都御

史朱軾侍郎張伯行李紱掌院學士阿克敦勵廷

儀奉

詔甄別翰詹各官不安本分有玷官箴者勒令解退回籍

五月因大學士富寧安留辦西路軍營事

特命署理內閣大學士兼署左都御史充明史總裁官十

月調戶部尚書仍辦大學士事

賜

御製詩有報國訏謨切銜恩翊贊勞之句二年充繙譯鄉

試正考官四年八月以繙譯本章錯悞吏部議革

去署大學士戶部尚書請交刑部得

旨徐元夢在內廷行走多年從寬免其交部著革職在內

閣學士之列辦理票簽本章一切繙譯事務効力行走

八年以前任浙江巡撫失察呂留良逆書應革任

命同繙譯中書行走十三年二月充繙譯鄉試副考官是

年八月

今上御極

命南書房行走尋入官成代其入官當

諭曰徐元夢年逾八旬効力甚久茲當

皇考龍馭上賓繙譯祭文甚屬敬慎著卽補授內閣學士

十月授刑部右侍郎自以年老衰邁不能辦理刑

部名事件疏辭得旨准其辭職

旨調禮部右侍郎會纂修

世宗憲皇帝實錄充副總裁官又

詔編輯八旗滿洲氏族通譜同大學士鄂爾泰尚書福

敏董其事十二月轉左侍郎

命入尚書房課

皇子讀書乾隆元年二月同尚書徐本福敏侍郎姚

三辰奉

命閱取會試迴避卷五月同尚書楊名時教習度吉士

奏言滿洲度吉士宜熟習繙譯

上命是科滿洲度吉士來年以清書散館七月充三禮

義疏副總裁官八月以年老乞休

上曰徐元夢耆碩舊臣今以年逾八旬精力衰邁請解

侍郎之任朕念其情辭懇切允從所請特加尚書職銜照現任食俸仍在史館內廷等處行走九月

上親撰

世宗憲皇帝聖德神功碑文

特勅繙譯二年二月疏言恭遇

皇上隆禮先師

特命國學文廟易益黃瓦

肇舉臨雍大典於廟學配享之制宜予釐定四科十哲

之目雖始自論語後既以顏子特配先師因升子張於殿以補其數

聖祖仁皇帝復以朱子昌明聖教有益斯文

命禮臣升躋神位於十哲之次是殿享不盡沿舊制也如

有子之言行氣象更與聖人相似最爲游夏諸賢

所推尊允宜升堂配享至宰我冉求一因短喪有

不仁之責一因聚斂有非徒之斥向來論者謂宜

移祀兩廡其舊在兩廡之南宮適宓不齊俱以君

子見稱於孔子亦宜並子升配用明

聖朝崇尚德行也疏下大學士九卿議以有子升祀子夏之下移祀朱子於子張之下國子監及直省府州縣學均遵行九月復乞休

上曰徐元夢老成望重雖年逾八旬未甚衰憊可照舊供職量力行走不必引退其繙譯日講春秋等書暨一切碑文祭文並姓氏館咸安宮事務另派員代管以便頤養四年正月二日

召同諸王大臣賦栢梁體詩以扶鳩諭以示想朝序歲月延賡分韻五月

諭獎抒誠宣力諸大臣加太子少保六年九月邁疾下道太醫診視

賜葠藥十一月疾劇

上諭大學士等曰尚書徐元夢人品端方學問優裕踐履篤實言行相符歷事

三朝出入禁近小心謹慎數十年如一日謂之完人洵可

欽定八旗通志 卷一百六十一 人物志四十一 三
無愧且壽踰大耋亦廷臣中之所罕見者前因年老
乞休特加尚書銜復加太子少保照現任食俸俾得
優游頤養以享遐齡今冬在家患病卽命太醫調治
並賜葠藥近聞病勢日漸沉重朕本欲親行看視因
舉行

慶典在卽不便前往著皇長子永璜往視其疾冀其痊可
倘至不起著賞銀二千兩辦理後事令和親王皇長
子往奠茶酒再加贈太傅准入京師賢良祠以示朕

優禮者舊格外加恩之至意翼日卒年八十有七遺

疏入

諭部議卹

賜祭葬如典禮諡文定

法喇

法喇滿洲正白旗人姓那木都魯父敦泰順治十
七年隨安南將軍達素征海賊鄭成功於福建爲
前鋒沒於陣母喜塔臘氏守節撫孤得

欽定八旗通志 卷一百六十一
旌表法喇初由官學生任筆帖式

聖祖仁皇帝康熙十三年充護軍隨征逆藩吳三桂自湖廣至雲南得功牌二還京授護軍校三十五年署驍騎叅領隨征噶爾丹尋授護軍叅領五十三年遷正白旗蒙古副都統五十五年調正藍旗滿洲副都統明年十月擢鑲白旗蒙古都統時準噶爾策旺喇布坦遣其族兄策凌敦多卜等擾西藏與拉藏汗構兵四川提督康泰率標兵千餘往松潘鎮備征勦至黃勝關標兵譟回成都

上命法喇往成都會同巡撫年羹堯經理軍務卽察訊其事覆奏康泰素不撫卹標兵偏信守備汪文藻任其扣尅給兵銀米請斬汪文藻及倡譟兵五人以徇遣解隨譟九人編插陝西餘兵仍留營効力

詔如議行革康泰職五十七年正月法喇疏言打箭爐道狹糧運維艱自荊州調至成都之滿洲兵一千馬匹疲瘦請俟牧養稍肥先遣五百兵往駐得

旨俞允會策凌敦多卜戕拉藏汗侵據其地拘達賴喇嘛于扎克布哩廟法喇疏言打箭爐之外曰裏塘又其外曰巴塘舊爲拉藏汗所轄近聞策凌敦多卜誘裏塘喇嘛營官往歸恐竟被搖惑已令員外郎巴特瑪等往宣

聖主威德並令護軍統領溫普於打箭爐選滿洲兵一百以前鋒叅領伍林葩領之選綠旗馬兵一百烏鎗兵三百以化林協副將趙宏基領之同往裏塘彈

壓相機撫勦又聞自裏塘以外抵西藏其人敬瑚必勒罕如神今瑚必勒罕之父現居西寧宗喀巴寺應令其遣人遍曉裏塘營官等俾知

朝廷欲保護瑚必勒罕是以發兵往駐則羣番輯服矣又疏言西藏資茶養生賊人雖據藏地非茶斷難久居今松潘一路茶價甚賤應暫禁出口令裏塘巴塘營官開造番寨戶口清冊酌量定數許其買運自皆相率就撫事並下所司議行五十八年

二月疏言打箭爐以外番人尙多觀望不卽就撫若於草長時以兵臨之彼必不敢抗應選成都滿洲兵五百綠旗提標兵一千化林永寧兵五百會期由裏塘深入雖巴塘以外亦可傳檄而定

上命如議調遣卽以法喇率赴打箭爐相機撫勦四月法喇率滿洲兵駐打箭爐令副將岳鍾琪率綠旗兵至裏塘曉諭投獻戶口冊番酋達瓦喇木扎木巴弗從縛之偕其屬五人械送法喇營斬以徇撫定

人戶六千四百餘遂進師巴塘其酋喀木布第巴等亦率屬迎降

詔法喇率兵駐守巴塘時年羹堯爲四川總督

上允廷議令其撥兵二千赴法喇軍於來年由巴爾喀木進定藏地五十九年二月年羹堯奏授護軍統領噶爾弼爲定西將軍統兵進藏撤法喇回打箭爐駐防六十年正月年羹堯奏撤打箭爐駐防兵還成都尋奏法喇宜與諸聞員並回京於是法喇還

仍任都統兼署護軍統領十月因護軍自戕不以
實奏革任六十一年逢

上七旬萬壽慶典宴滿漢諸臣六十五以上者千餘人於
乾清宮前名千叟宴法喇預焉

賜復原銜雍正十三年卒子拉薩哩官至正黃旗蒙古都

統見大臣表

佛倫

佛倫滿洲正白旗人姓舒穆祿初由筆帖式遷兵

部主事

聖祖仁皇帝康熙十五年遷詹事府中允尋遷工部郎中

歷少詹事洊陟大理寺卿十八年擢內閣學士充

經筵講官時逆孽吳世璠尚據黔滇是年六月佛倫

奉

命同侍郎金鋆赴湖廣總理糧餉九月疏言進黔兵餉自

至鎮遠後皆資陸運因量設塘站數處集夫遞送

惟是黔民遭亂稀少請

飭將軍督撫招來土民貿易以裨糧運從之十九年兼理
四川糧餉及賊平還京二十二年遷刑部侍郎二
十三年

命同吏部侍郎陳廷敬兵部侍郎阿蘭泰副都御史馬世
濟管理錢法疏請令各省有蘆課關稅之所辦銅
齋解寶源局以廣鼓鑄下工部議行二十四年調
兵部侍郎尋遷左都御史疏言科道各官有受囑
陳奏結黨誣陷及給假終養丁憂不在家靜守遍

遊各省挾詐督撫諸弊請嚴定處分下吏部議行
二十五年遷工部尚書二十六年二月調刑部九
月調戶部先是河道總督靳輔言高郵寶應諸州
縣下河宜築隄束水入海按察使于成龍以堤工
難成請疏濬下河及海口

上遣侍郎孫在豐往董疏濬事靳輔又言宜自高家堰起
日加築重隄束各壩減洩之水出清口歸黃河而停
濬下河並請於隄外涸出田畝設官清丈以爲屯

田可增錢糧百餘萬

上曰朕從利益民生起見非爲錢糧著佛倫與侍郎熊一瀟給事中達奇納趙吉士會同江南總督總漕確勘議奏尋議應如靳輔所請二十七年漕運總督慕天顏疏劾佛倫勘議河工皆從靳輔臆說不顧興屯之占田厲民孫在豐疏言前佛倫與臣等會勘河工時原議海口應濬擬有疏稿後忽改爲加築重隄停濬海口之疏雖係佛倫主稿實靳輔陰謀御史陸

祖修復劾佛倫往勘河工屯田二事左袒河臣不

顧公議嗣奉

命九卿會議而主議者不過佛倫及尚書科爾坤左都御史格斯特等三四人卽如屯田一節尚書張玉書左都御史徐乾學力言屯田所占民田應還業主而科爾坤等置若罔聞悉依佛倫所奏具稿其餘九卿有不見議稿隻字者疏入下部嚴察議奏會御史郭琇疏劾靳輔偏聽幕友陳潢阻撓下河開

濬又劾大學士明珠余國柱與佛倫結黨營私諸
款

上諭責佛倫往勘河工屯田所議偏徇且凡會議時挾私
好勝

命解戶部尚書任

召靳輔于成龍同郭琇及佛倫熊一瀟達奇納趙吉士入
對佛倫乃奏停屯田有丈出民田槩還業主其暫
設同知縣丞等官並裁汰於是部議佛倫應革職

上曰佛倫任工部時極其勤勞凡奉差遣亦能勝任但議
此事舛錯殊甚著留其佐領以原品隨旗行走逾月授

內務府總管二十八年山東巡撫缺

諭大學士等曰山東紳衿最稱桀驁且好結朋黨宜簡用
風力之人爲巡撫著以佛倫補授二十九年正月疏言
沂州等州縣衛所未完康熙二十八年錢糧請於
麥收後開徵

上曰山東本年地丁錢糧全行蠲免原欲使小民終年休

息若帶徵未完舊欠必至借端滋弊著於三十年帶徵
 六月疏言東省賦役不均凡紳衿貢監戶下悉免
 雜差遂有奸民詭寄田畝規避徭役請通限兩月
 之內許其自首改正嗣後紳衿等田畝令與民人
 一律一例應役以釐剔積弊得

旨徭役不均偏累小民所奏改正釐剔具見實心任事並
 不瞻徇直省應一體行七月疏言東省本年蠲免正賦
 臣仰體

皇仁勸諭大戶酌減佃租一分至五分不等請嗣後直省
 凡遇

恩免賦糧七分蠲免業戶三分蠲免佃種之民又言東省
 本年豐收紳民願每石捐輸三合以為積貯合計
 得穀二十五萬餘石用備荒歉疏並下部議行三
 十年革職縣丞譚明命訐吏部主事朱敦厚任濰
 縣知縣時婪贓事下佛倫鞠勘佛倫言敦厚加派
 婪贓經前撫臣錢瑋審實敦厚因免求原任刑部

尚書徐乾學貽書錢珣徇情銷案請
敕部議處乾學等皆褫職三十一年擢川陝總督明年西
安鳳翔饑佛倫請暫減二府額銷鹽引之半又言
西安駐防官兵糧草州縣苦於遠解請於距省四
十里可通水路之曹店設倉收兌事俱下部議行
三十二年冬入

覲

賜冠服遣回任加禮部尚書銜三十三年授禮部尚書三

十五年

上親征噶爾丹

命與大學士何蘭泰尚書馬齊分班值宿禁城三十八年

授文淵閣大學士初佛倫任山東巡撫時疏劾左

都御史郭琇前任吳江知縣虧帑事且言琇父郭

景昌原名爾標係明季御史黃宗昌家僕曾入賊

黨伏誅琇私改父名濫請

封典應子追奪部議如所請三十九年二月郭琇以湖廣

覲具疏訟佛倫誣巖其父

上詰問佛倫以訪聞舛錯對下部察議應革職援

赦得免三月以前任總督時散給陝西籽種銀兩不確察

各官侵扣挪用諸弊應降四級調用

上命以原官休致明年卒四十四年

上諭大學士馬齊曰佛倫爲總督時密奏涼州總兵師帝

賓騎射不堪朕諭以師帝賓爲三屯營副將時騎射之

佳大臣侍衛皆知乃佛倫終劾之而佛倫亦於此壞名

又密奏趙良棟不可居寧夏乞召赴京師後良棟來朝

朕命之歸良棟奏曰有人言臣不宜居寧夏臣不便歸

朕問何人良棟言佛倫以告索額圖而索額圖語臣以

此觀之人之無耻未有如佛倫者凡密奏之事皆朕親

手封發卽左右人亦不得見此皆體密奏者之心而重

其事也佛倫自行密奏而反以告人猶可比之人數乎

四十九年戶部虧空積年承辦草豆銀兩事覽

上命從寬就現在得贓人員於未審之前以所得之銀歸
欵免其革職拏問因

諭諸大臣曰戶部弊端始自尚書科爾坤佛倫後來諸臣
因循成習以至於此凡為大臣者理應廉潔自守黽勉
從事方為無忝厥職也

荆山

荆山滿洲正白旗人姓費莫康熙二十五年由監
生補禮部筆帖式尋任本部讀祝官二十八年遷

太常寺寺丞三十九年遷戶部員外郎四十四年
擢太常寺少卿四十六年晉本寺卿五十年轉大
理寺卿五十二年授禮部右侍郎五十三年充纂
修

玉牒副總裁官五十四年四月署倉場侍郎事務七月疏
言泗州等衛糧艘在通州張家灣遭風損十一隻
沉米五千二百餘石內河向無題豁例但今歲北
河發風大溜急無異江河請

賜豁免

上允之十一月疏陳漕運倉糧事宜一漕艘至濟寧臨清等處河水淺阻請交山東撫臣派司道督催出境一水次兌糧向有樣米及船到起卸迥不相符皆運丁偷米攙糠所致請令該糧道將各倉兌米一袋鈔封到淮漕督拆驗加封抵通日臣等率坐糧廳對驗起卸一漕糧掛欠例將弁丁留通勒限賠補逾限不完者發回本省陸續追取搭運甚爲繁

滯請卽於本年發回令速賠補一京通厰座號房多坍或以蓆圍收米何堪久貯請派滿漢堂官各一揀選賢能司官料估修造限內倒壞原辦賠修九卿會議如所請奉

旨依議五十五年閏三月順天永平二府饑奉

命監視散賑六月授禮部尚書五十六年三月卒

賜祭葬如例諡端簡子德音由內閣中書遷侍讀康熙五

十二年擢內閣學士六十年授山西巡撫雍正元

年四月以匿報平定州壽陽徐溝等縣旱災又不
停徵部議革職尋授內閣學士因巡撫任內州縣
虧欠錢糧逾限未完降一級調用七年卒

開音布

開音布滿洲正白旗人姓西林覺羅初由筆帖式
授內閣中書累遷兵部主事內閣侍讀工部郎中
詹事府少詹事

聖祖仁皇帝康熙二十六年八月授光祿寺卿十月遷都

察院左副都御史會湖廣巡撫張汧爲御史陳紫
芝劾奏劣欵

命開音布同直隸巡撫于成龍山西巡撫馬齊往訊得實
論罪如律二十七年二月擢戶部右侍郎三月

命監理高郵寶應下河工程十一月疏言工所需用夫役
甚衆應於高郵等十一州縣內各派夫千名卽有
添設不得過二萬之數前在河工官員有諳練河
務者請選用五十員以供臂指又請濬串場河並

丁溪草堰白駒石礎及河梁場車兒埠消子竈至
苦水洋諸處事俱下部議行二十八年正月

上南巡過淮安

命侍郎徐廷璽巡撫于成龍閱視下河還奏自丁溪至白

駒有通海口之三處及丁溪上流之馮家壩河道
應仍挑濬其串場河石礎諸工可悉停部議下河
工程減停應歸河道總督王新命管理

上因命開音布還京授正白旗滿洲副都統先是高郵州

民以車邏鎮三壩放水致淹田麥控訴開音布疏

劾州同茹兆相干總馬崇貴私開壩閘

詔尚書張玉書等察審以三壩各閘例於四月朔開放開

音布誤劾覆奏下部議開音布降一級留任罰俸
一年尋擢提督九門步軍統領三十年二月

上以京師外城巡捕三營舊爲兵部督捕侍郎所轄與內
城不相聯屬

命改隸步軍統領下九卿等詳議改鑄提督九門步軍巡

捕三營統領印總司內外城捕務所獲逃盜等犯
移送刑部完結三十三年五月

天壇外新修道路工竣開音布奏言新修之路聽人照常
行走不久又壞應派綠旗兵看守令往來之人止
走兩旁勿行中路

上曰如此禁約殊於朕意不合益修葺道路專以便民也
若派兵看守不許行走則修之何用且云禁行中路看
守之人必并禁及兩旁不便於民應仍聽人照常行走

後若毀壞令步兵稍稍葺治三十五年八月擢兵部尚
書仍兼步軍統領九月疏言巡捕事務繁要請添
設郎中主事各一員下吏部議行三十六年九月
授鑲白旗滿洲都統解尚書任三十八年九月以
年老

命解都統任專管步軍統領事四十一年五月卒於官
賜祭葬如典禮諡肅敏

常彙

常鼎滿洲正白旗人姓赫舍理由筆帖式考授內閣中書康熙三十年遷侍讀三十四年遷慎刑司員外郎三十九年授江南海關稅務監督四十年補

盛京戶部員外郎四十三年授翰林院侍講學士充日講起居注官四十六年改內閣侍讀學士五十二年遷內閣學士充

經筵講官五十六年四月擢兩江總督六月疏言松

江府上海縣距海口五十餘里洋船水手良頑不一更有居民漁戶買物採魚小船往來不絕或偷運米送洋船直上海惟守備一千總一把總二兵二百七十五分防外無幾請將提標右營兵移駐上海其原駐上海之黃浦營改爲水師增大沙船三哨船四巡查海口五十七年疏言江南濱海要區額設大小船皆巡海必需一日不宜空缺今營船同時修造恐誤巡防請屆期先修一半仍留一

半在汎以俟續修並責成布政使確查不許尅減
工料如船不合式及捏報當修冒領工價將承辦
各官叅處並下部議行五十八年疏叅潁州知州
王承勲訐安徽布政使平希堯鳳陽府知府蔣國
正勒索規禮因蠲民欠錢糧國正將伊應賠所屬
虧空帑銀三千餘兩捏報民欠冒蠲侵蝕請離任
質審

上命左都御史田從典副都御史汪沂往審嗣從典等訊

國正受承勲規禮銀八百餘兩又將應賠銀混入
民欠冊內屬實希堯失察俱論如律五十九年三
月疏言商船出洋例禁大礮許携烏鎗腰刀近每
見沿海州縣鬪毆抄搶等案多烏鎗傷人應將洋
船烏鎗盡繳官私藏者按律治罪從之七月

上以直省錢糧虧空甚多應立法清釐

命各督撫議奏常彙疏言州縣虧空錢糧或知府有扶同
徇隱情弊別經發覺者將知府叅革獨賠又州縣

官恃有上司分賠之例將庫銀藏匿假捏虧空應令督撫核實題叅嚴加議處其假匿虧空銀兩獨於該州縣名下著追下部議如所請六十一年卒於官先是常鼐劾兩淮巡鹽御史張應詔科派商人請交部嚴加議處商人程庭等治罪

上命工部尚書李先復等察審先復覆奏應詔科派屬虛部議以衆商已供應詔科派今常鼐身故遂改前供所審未協雍正元年

諭曰朕聞常鼐居官本無令名

皇考亦曾向朕言之其所奏豈可爲準且

皇考當日不肯據常鼐所奏定案故遣大臣察審今旣已審明不必再行駁詰况張應詔本無科派之事真實難掩衆商安得不改易前供乎其叅奏不實之常鼐已故免議

欽定八旗通志卷一百六十

